

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ ԱՋԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք. Երևան

«17» «04» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Հայաստանի ազգային պատկերասրահ» պետական ոչ առևտրային կազմակերպությունը (այսուհետ՝ կազմակերպություն), ի դեմս կազմակերպության տնօրեն Մ. Հակոբյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում)՝ որոշման «1168. Արվեստների ծրագիր» ծրագրի «11005. Մշակութային միջոցառումների իրականացում» միջոցառման (տող՝ «ԴասԱրվեստ» կրթամշակութային ծրագիր) (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «ԴասԱրվեստ» կրթամշակութային ծրագրի կազմակերպումը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

1.1.1. ծրագրի՝ Հավելված N 1,

1.1.2. նախահաշվի՝ Հավելված N 2:

2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,

2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,

2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից

ինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

2.4. Կազմակերպությունը պարտավոր է՝

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան մինչև 2023 թվականի դեկտեմբերի 22-ը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանը հատկացնում է 14895,6 հազար (տասնչորս միլիոն ութ հարյուր իննսունհինգ հազար վեց հարյուր) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 23-րդ մասի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագրով նախատեսված միջոցառումների կատարման ժամկետը մինչև 2023 թվականի սեպտեմբերի 29-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը:

4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմինն վճարում է տուգանք՝ ոչ պատշաճ կատարված պարտավորության համար նախատեսված գումարի 0,5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմինն վճարում է տույժ՝ պայմանագրի գնի 0,05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհի ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմինն ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. ԵԶՐԱՓԱԿԻՉ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ՝

ԿԱԶՄԱԿԵՐՊՈՒԹՅՈՒՆ՝

«Կրթության, գիտության, մշակույթի և սպորտի նախարարություն Երևան, Վ. Սարգսյան 3 Կառավարական տուն N 2

«Հայաստանի ազգային պատկերասրահ» ՊՈԱԿ

«ՖՆ գործառնական վարչություն Հ/Հ 900011032878, հվհհ 02698732

«Ք, ք. Երևան, Արամի 1 ՀՀ ՖՆ գործառնական վարչություն հ/հ 900018001421, ՀՎՀՀ 02506317 հեռ. (010) 580-812

Գլխավոր քարտուղար՝
[Signature]
Ս. Հակոբյան
(ստորագրություն)

Տնօրեն՝
[Signature]
Մ. Հակոբյան
(ստորագրություն)



Ծ Ր Ա Գ Ի Ր
 «ԴասԱրվեստ» կրթամշակութային

1	Կազմակերպության անվանում	«Հայաստանի ազգային պատկերասրահ» ՊՈԱԿ
2	Կազմակերպության գտնվելու վայր	ք. Երևան, Արամի 1
3	Ծրագրի անվանում	«ԴասԱրվեստ» կրթամշակութային ծրագիր
3.1	Բովանդակություն	<p>Ծրագիրը նախատեսվում է իրականացնել Հայաստանի Հանրապետության 10 մարզերում: Ծրագիրը աշակերտներին բացառիկ հնարավորություն կտա ծանոթանալու Հայաստանի ազգային պատկերասրահին, որպես թանգարան վերջինիս գործունեությանը, կառուցվածքին, թանգարանային առարկա հասկացությանը, վերջինիս անվտանգության ու պահպանման հատուկ կանոններին, ինչպես նաև թանգարանի կարևորագույն բաղկացուցիչ հանդիսացող ֆոնդապահոցներում պահվող լավագույն ցուցանմուշներին:</p> <p>Ծրագրում ընդգրկված են 19-րդ դարի երկրորդ կեսի և 20-րդ դարի հայկական կերպարվեստի առանցքային հեղինակների ստեղծագործությունները:</p> <p>Նախատեսված են մի քանի թեմատիկ ծրագրեր տարբեր տարիքային խմբերի համար (յուրաքանչյուր խմբում առավալագույնը 30 աշակերտ)՝ մատչելի լեզվով ու համապատասխան գործիքակազմով.</p> <p>Կրտսեր խումբ (1-5 դասարաններ)</p> <ul style="list-style-type: none"> • «Հեքիաթների աշխարհում» (կներկայացվեն Հովակիմ Հովհաննիսյանի, Մարտիրոս Սարյանի, Վարդգես Սուրենյանցի, Հակոբ Կոջոյանի, Կարեն Սմբատյանի, Անդրանիկ Կիլիկյանի հեքիաթների նկարազարդումները) • «Ճարտարապետության գաղտնիքները» (կներկայացվեն Արշակ Ֆեթվաճյանի հայկական միջնադարյան ճարտարապետության գոհարները պատկերող ստեղծագործությունները) <p>միջին խումբ (5-9 դասարաններ)</p> <ul style="list-style-type: none"> • «Ազգային էպոս» (կներկայացվեն Հակոբ Կոջոյանի և Երվանդ Քոչարի «Սասնա ծռեր» էպոսին նվիրված ստեղծագործությունները) • «Բիրլիական լեռը» (կներկայացվեն Փանոս Թերլեմեզյանի, Հովհաննես Այվազովսկու և հայ անվանի նկարիչների ստեղծագործությունները) <p>ավագ խումբ (9-12 դասարաններ)</p>

	<ul style="list-style-type: none"> • «Ծովի տարերքը» (կներկայացվեն Արսեն Շաբանյանի, Հովհաննես Այվազովսկու և հայ անվանի ծովանկարիչների ստեղծագործությունները) • «Հայկական իմպրեսիոնիզմ» (կներկայացվեն Եղիշե Թադևոսյանի, Փանոս Թերլեմեզյանի և իմպրեսիոնիստական ուղղության այլ հետևորդների գեղանկարչական աշխատանքները) <p>Յուրաքանչյուր թեմատիկ ծրագրի շրջանակներում ներկայացվելու են համապատասխան ստեղծագործություններ, կազմակերպվելու են կրթական ծրագրեր և դասախոսություններ (կրթական ծրագրերն ու դասախոսությունները վարելու են Պատկերասրահի լավագույն մասնագետները):</p>
2	<p>Նպատակ</p> <p>Արվեստի և թանգարանային գործունեության ապակենտրոնացման միջոցով նպաստել թանգարանների և կրթական հաստատությունների կապերի ամրապնդմանը, կրթական ծրագրերում հայկական և համաշխարհային արվեստի դասավանդման առավել գործուն, արդյունավետ մեթոդների կիրառմանը, թանգարանային ցուցադրությունների կազմակերպման հետաքրքիր գործընթացում անուղղակի ներգրավմանը: Շրջիկ ցուցադրությունների ֆորմատը, միանշանակ, կնպաստի մարզային դպրոցների առավել մեծ թվով աշակերտների ներգրավմանն ու մշակութային ժառանգության արժևորմանը:</p>
3	<p>Անցկացման ժամկետ</p> <p>2023 թ. ապրիլի 14-ից մինչև սեպտեմբերի 28-ը</p>
4	<p>Անցկացման վայր</p> <ul style="list-style-type: none"> ՀՀ Արարատի մարզ <ul style="list-style-type: none"> • ք. Արարատ ՀՀ Արմավիրի մարզ <ul style="list-style-type: none"> • ք. Արմավիր ՀՀ Տավուշի մարզ <ul style="list-style-type: none"> • ք. Իջևան • ք. Դիլիջան ՀՀ Լոռու մարզ <ul style="list-style-type: none"> • ք. Ստեփանավան • ք. Տաշիր • ք. Ալավերդի ՀՀ Վայոց ձորի մարզ <ul style="list-style-type: none"> • ք. Եղեգնաձոր • ք. Վայք ՀՀ Սյունիքի մարզ <ul style="list-style-type: none"> • ք. Գորիս • ք. Սիսիան ՀՀ Կոտայքի մարզ <ul style="list-style-type: none"> • ք. Չարենցավան • ք. Հրազդան

ՀՀ Գեղարքունիքի մարզ

- ք. Մարտունի
- ք. Սևան

ՀՀ Արագածոտնի մարզ

- գ. Աղծք

ՀՀ Շիրակի մարզ

- ք. Գյումրի
- գ. Մաստարա

5 Ակնկալվող արդյունքներ

«ԴասԱրվեստ» ծրագրի շրջանակներում կազմակերպված թեմատիկ ցուցադրությունների, վերջիններիս նվիրված կրթական ծրագրերի և դասախոսությունների միջոցով աշակերտները կճանաչեն հայկական կերպարվեստի խոշորագույն ներկայացուցիչներին, կտիրապետեն կերպարվեստին վերաբերող տարրական գիտելիքներին (այն է՝ կերպարվեստի տեխնիկաներ, գրաֆիկայի տեխնիկաներ, նյութ ևն), կճանոթանան թանգարանագետի և արվեստաբանի մասնագիտություններին, ինչը մեծապես կնպաստի կրթական համակարգում (ծրագրերում) լրջագույն բացի լրացմանը, կճանաչեն Հայաստանում կերպարվեստի և աշխարհում՝ հայկական կերպարվեստի հավաքածուով խոշորագույն թանգարանի պատմությանն ու առանցքային հեղինակներին: Ծրագիրը մեծապես կնպաստի արվեստի ու թանգարանային գործունեության ապակենտրոնացմանն ու կրթական հաստատությունների ու թանգարանների միջև կապի ամրապնդմանը, ինչն էլ, միանշանակ, կնպաստի առավել զարգացած ու մշակութային հասարակության ձևավորմանը:

6 Ոչ ֆինանսական ցուցանիշներ

Իրականացման վայրը.
 ՀՀ մարզերի քանակ – 10,
 Բնակավայրերի քանակ – 18,
Մասնակիցներ՝
 Աշակերտներ – 1000
 Ներգրավված մասնագիտական անձնակազմ – 6

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 900011032878, հվհ 02698732
 Գլխավոր քարտուղար՝

Ս. Հակոբյան (ստորագրություն)



ԿԱԶՄԱԿԵՐՊՈՒԹՅՈՒՆ՝

«Հայաստանի ազգային պատկերասրահ» ՊՈԱԿ
 ՀՀ, ք. Երևան, Արամի 1
 ՀՀ ՖՆ գործառնական վարչություն
 հ/հ 900018001421, ՀՎՀՀ 02506317
 հեռ. (010) 580-812

Տնօրեն՝ Մ. Հակոբյան

(ստորագրություն)



ՆԱԽԱՀԱՇԻՎ

«ԴասԱրվեստ» կրթամշակութային ծրագրի իրականացման ծախսերի

Հ/Հ	Ծախսատեսակի անվանումը	Չ/Մ	Քանակ	Մեկ միավորի արժեքը (հազար դրամ)	Գումարը (հազար դրամ)
1	Կազմակերպական այլ բնույթի ծառայություններ, այդ թվում՝				5376.0
1.1	լուսատեսանկարահանում (15 օր, ներառյալ ծրագրի վերաբերյալ ամփոփ տեսանյութի պատրաստումը՝ մոտ 40 րոպե)	հատ	1	2058.0	2058.0
1.2	ռուպիի դիզայն, պիտակների և աֆիշների դիզայն, սոցիալական ցանցում միջոցառումների վիզուալների պատրաստում (10 մարզ այցելելու համար)	հատ	1	200.0	200.0
1.3	թանգարանային առարկաների ապահովագրություն (6 թանգարանային առարկա)	հատ	1	1600.0	1600.0
1.4	թանգարանային առարկաների փաթեթավորում և արկղավորում (36 առարկա, 7 արկղ)	հատ	1	1000.0	1000.0
1.5	շրջանակավորում (պլաստմասե շրջանակներ 50 x 70 սմ՝ 13 հատ, 33 x 57,5 սմ՝ 1 հատ)	հատ	1	218.0	218.0
1.6	նվերների փաթեթավորում (1000 հատ)	հատ	1	300.0	300.0
2	Նյութերի և ապրանքների ձեռքբերում, այդ թվում՝				1524.5
2.1	նյութեր՝ կրթական ծրագրի իրականացման համար (գունավոր մատիտ՝ 50 տուփ, սև մատիտ՝ 50 հատ, ռետին՝ 10 հատ, սրիչ՝ 50 հատ, յուղամատիտ՝ 100 հատ, կպչուն ժապավեն թղթյա՝ 14 հատ, կպչուն ժապավեն երկկողմանի՝ 10 հատ, թղթադիր՝ պլանշետ-տախտակ՝ 30 հատ, ստվարաթուղթ՝ 200 հատ, խոնավ անձեռոցիկ՝ 50 հատ, թուղթ A4՝ 10 տուփ, գորգիկ՝ 30 հատ, դրոշ՝ 10 հատ, միրգ՝ 15 հատ)՝ 1000 աշակերտի համար				524.5
2.2	վերատպություններ (Հայաստանի ազգային պատկերասրահի հավաքածուի ստեղծագործություններից մասնակիցներին նվիրելու համար)	հատ	1000	1.0	1000.0
3	Տպագրական ծախսեր, այդ թվում՝				416.8
3.1	տպագրություն կտավի վրա՝ 10 քմ	քմ	10	9.6	96.0
3.2	բացիկ	հատ	1000	0.20	200.0

3.3	պիտակներ, պվք (11 սմ x 13 սմ)	հատ	36	0.28	10.0
3.4	ողլափ՝ հենարանով (200 սմ x 120 սմ)	հատ	3	35.0	105.0
3.5	անոտացիա (բացատրող տեքստեր)	ք/մ	0.61	9.50	5.8
4	Կեցության և սննդի ձեռքբերման ծախսեր				1518.0
4.1	օրապահիկ՝ 6 մարդ x 15 օր (Արարատ՝ 1 օր, Արմավիր՝ 1 օր, Իջևան, Դիլիջան՝ 1 օր, Ստեփանավան, Տաշիր, Ալավերդի՝ 4 օր, Վայք, Եղեգնաձոր՝ 1 օր, Գորիս, Սիսիան՝ 2 օր, Չարենցավան, Հրազդան՝ 1 օր, Մարտունի, Սևան՝ 1 օր, Աղծք, Գյումրի, Մաստարա՝ 3 օր)	մարդ/օր	90	5.0	450.0
4.2	գիշերավարձ՝ 6 մարդ x 9 օր (միջին գին) (Ստեփանավան՝ 4 օր, Գորիս՝ 2 օր, Մարտունի՝ 1 օր, Գյումրի՝ 2 օր)՝ միջին	մարդ/օր	54	19.78	1068.0
5	Տրանսպորտային ծառայություններ (Երևան, Արարատ, Արմավիր, Իջևան, Դիլիջան, Ստեփանավան, Տաշիր, Ալավերդի, Եղեգնաձոր, Վայք, Գորիս, Սիսիան, Չարենցավան, Հրազդան, Մարտունի, Սևան, Աղծք, Գյումրի, Մաստարա), այդ թվում՝				3577.7
5.1	միկրոավտոբուս (անձնակազմի փոխադրումներ)	հատ	1	1042.3	1042.3
5.2	բեռնատար (թանգարանային առարկաների տեղափոխում)	հատ	1	2535.4	2535.4
	ԸՆԴԱՄԵՆԸ				12413.0
	ԱԱՀ*				2482.6
	ԸՆԴԱՄԵՆԸ, ներառյալ ԱԱՀ				14895.6

* ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման Կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե:

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
 Երևան, Վ. Սարգսյան 3
 Կառավարական տուն N 2
 ՀՀ ՖՆ գործառնական վարչություն
 Հ/Հ 900011032878, հվհհ 02698732

Գլխավոր քարտուղար՝
 Շ. Հակոբյան
 (ստորագրություն)



ԿԱԶՄԱԿԵՐՊՈՒԹՅՈՒՆ՝

«Հայաստանի ազգային պատկերասրահ» ՊՈԱԿ
 ՀՀ, ք. Երևան, Արամի 1
 ՀՀ ՖՆ գործառնական վարչություն
 հ/հ 900018001421, ՀՎՀՀ 02506317
 հեռ. (010) 580-812

Տնօրեն՝ Մ. Հակոբյան
 (ստորագրություն)



ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը _____

Ծրագրի անվանումը _____

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախսը հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

« ____ » _____ 2023 թ.

Կատարող կազմակերպության ղեկավար

ՓԱՍՏԱԹՂԹԵՐՆ ԸՆԴՈՒՆԵՑ՝

_____/_____/_____
(անուն-ազգանուն) (ստորագրություն)

ՀՀ ԿԳՄՍ նախարարության պատասխանատու՝

Կատարող կազմակերպության գլխավոր հաշվապահ
(անուն-ազգանուն) (ստորագրություն)

_____/_____/_____
(անուն-ազգանուն) (ստորագրություն)

ԿԱԶՄԱԿԵՐՊՈՒԹՅՈՒՆ

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
Երևան, Կառավարական տուն 2
ՀՎՀՀ՝ 02698732

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N
Պետական մարմին՝ ի դեմս ՀՀ կրթության, գիտության, մշակույթի և սպորտի նախարարության գլխավոր քարտուղար

(անուն ազգանուն)

և Կազմակերպությունը, ի դեմս _____ -ի տնօրեն

կազմակերպության անվանում

_____, ի, հիմք ընդունելով պայմանագրի կատարման վերաբերյալ
(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև նախարարության հաշվապահական հաշվառման վարչության « » « » 2023 թ.-ի թիվ Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է _____ միջոցառումը, իսկ Պետական մարմինն վճարել է դրա դիմաց՝ պայմանագրով սահմանված կարգով և չափով:

ՊԵՏԱԿԱՆ ՄԱՐՄԻՆ՝

ԿԱԶՄԱԿԵՐՊՈՒԹՅՈՒՆ

ՀՀ կրթության, գիտության, մշակույթի և սպորտի նախարարություն

Գլխավոր քարտուղար՝

Տնօրեն՝

Գլխավոր քարտուղարի տեղակալ՝